

SVARBESNĖ LIUOLIŪ MIESTELĖ ĮMIKĖ, DATAS

ČIŽIŪNS BENJAMINS
AUTORIAUS PORTĖGRAPĖJĖS



Lioliū herbas

Lioliū miestelis isėkūrės Dratvėna (dešėniuojė Dubisės intaka) pakrontie.

Miestelė pavadėnėms, kėp pasakuo tū apilinkiu givėntuojė, ir kėlės nu pėimėnū lalavėmu.

Žėnuomūs XV omžiaus rašitėniūs šaltėniūs pradėdams mėnavuotė Lioliū dvars. Ons ir priklausės Ivanuovičė Mėkuolou, Viekvaičiu, Stanevičiu, Okolskiu gėmėniems.

Lioliū miestelis valog karaliaus Žigimanta Senuojė Minskė pasėrašita duokumėnta bova isteigts 1508 m. bėrželė 30 dėina – tamė raštė bova noruodita, ka Viekvaičė Mėkuols tor teisė aple dvara kortė miesta: „mes leidžiame jam Lioliū dvare statyti miestą ir turėti turgū, ir laikyti karčemas.“

1522 m. Lioliū Viekvaičė Mėkuola rūpesnio ėr liešum bova pastatita pėrmuoji krėkščiuoni katalėku bažničė.

Par Reformacėjė Lioliū bažničė bova pariemė reformatā, katrus riemė Vnučka Morkus, vuo 1929 m. rogpjūtė 8 d. Lietovuos aukštiausiesis teismos dvarininkou Okolskiou noruodė Lioliū bažničė ėr anuos tortus groužintė Lioliū katalėkams krėkščiuonims.

1768 m. Lioliū bova pastatita medėnė baruokėnė bažničė, katra ėe tebstuov lig šioul.

1823 m. rašitėniūs šaltėniūs pėrma karta pamėnavuota Lioliū muokikla.

1897 m. Lioliū bova 264 givėntuojė.

1908 m. Lioliū ikorts Lietoviu katalėkiu muotrėšku draugėjės skirios, katros toriejė devuociuonalėju krautovė, vuo paskiau – arbatėnė.

1909 m. iš pagrindū soremontouta Lioliū švėntū apaštalū Sėmuona ėr Juda Tada bažničė.

1923 m. Lioliū bova 38 suodibas, 262 givėntuojė, vuo 1940 m. – 250 givėntuojė.

Tarpukarė metās Lioliū veikė pradiuos muokikla, pašta agentūra, vaistėnė, Šv. Vincėnta Paduvietė draugėjės senieliu prieglauda, vartuotuoju bėndruovė, pėinėnė, arbatėnė.

2009 m. rogpjūtė 19 d. Lietovuos Respublikas prezidėnts patvėrtėna Lioliū herba, katruo auuorios ir dailininks Rimkūns Rolands.

1949–1961 m. Lioliū veikė septinmetė muokikla, 1961–1984 m. – aštonmetė, 1984–1986 m. – nepėlna vėdorėnė, 1986–1990 m. – devinmetė, nu 1990 m. rogsiejė 1 d. – pagrindėnė.

Dabar Liolė – seniūnėjės cėntros. Anūs givėn aple posė tūskontė žmuoniū.



Lioliū švėntū apaštalū Sėmuona ėr Juda Tada bažničė



Lioliū bažničės Kristaus skulptūra